



**I**oannes Norimbergæ anno 1463 honestis parentibus natus, & à pueris in melioribus literis optimè educatus est. Hic cum in patria prima artium fundamenta fideliter percepisset, studiorum amore se in Italiã contulit, atq; Patauñ magna diligentia Græcæ linguæ operam dedit. erāt enim ea ætate ibidem Marcus Musurus Cretensis, & Scipio Carteromachus Pistoriensis uiri doctissimi, qui Græcas literas publicè profitebantur. Itaq; factum ut eius linguæ præclaram notitiam sibi compararit, atq; inter doctos uiros notissimus fuerit. Ut aut̃ Ioannes sua studia commodius proficeret, Dominicanorum ordinē suscepit, & aliquandiu in Italia uixit.